

宗徒行實序

聖祿嘉。以吾主耶穌之訓言行實。既紀於萬日畧經後。復將其言行之奇妙徵驗。欲使天下人民。家喻戶曉。遂特另纂一書。名曰耶穌宗徒行實。因嘗從聖保祿遊。故極詳說其事焉。書中所述。僅三十年之事耳。蓋此書實紀載於羅馬京都也。

第一篇

弟斐畧余將耶穌之行實訓言。嘗別紀於一書矣。溯自耶穌降生時。即以聖神之工。

詔訓宗徒。以至昇天種種事跡。請尚論之。
耶穌實受難之後復活。四十日中。明現於
宗徒。及論天國之事。並謂伊實復活。示諸
證據。與衆同餐。諭以勿棄日路撒冷而他
適。汝輩俟父所許之賞。其賞謂何。余已早
示汝輩矣。若翰以水洗人。汝輩不日受洗
於聖神也。維時同衆之人問曰。主。爾今將
復振依辣厄爾之國乎。答曰。予父自知能
定之時。非汝輩事。惟聖神降臨於爾輩中。
其神恩賦於爾輩。爾乃於日路撒冷。於如

德亞。與撒瑪利亞。以及四方。而為我證焉。
語畢。衆咸凜視。自舉上昇。雲扈聖身。已而
不見。衆人瞻望。不忍捨去。乃有二少年。衣
白衣。倏立於前。諭之曰。爾等加理勒亞之
人。胡為更瞻望乎。耶穌從爾輩中昇天矣。
日後依然從彼而來。於是衆咸由阿理瓦
山而歸。日路撒冷焉。衆遂入庭。伯多祿。若
望。雅各伯。安德肋。斐理伯。多默。巴爾多祿
茂。瑪竇。額拉浮之子。雅各伯。西滿。塞羅德。
雅各伯之弟。如達等。登於素坐之幄。皆一

意祈禱不已。隨從耶穌之婦女。及耶穌之
母瑪利亞。與其戚屬。亦聚於此。共祈禱焉。
維時伯多祿衆友中起。堂內集聚。幾一百
二十人。曰。吾友。經攸書聖神。因達未德口。
預言擒耶穌者。首茹答。今其言符矣。彼向
入吾數。與吾同業。斯人已獲惡質之地。自
縊。身破裂為二。五臟盡傾洩。凡居日路撒
冷皆知焉。斯地本稱哈舍拉荅瑪。譯言血
地也。聖詠載向彼所住。成為曠野。無人居。
其爵位。他人將得焉。故此會中。自吾主耶

蘇在吾間出入。始若望領洗者。至昇天之日。宜選一位。為其復活之證。時置二位。一若瑟稱巴爾撒巴。並稱義人。一瑪弟亞。衆祈曰。主。爾知衆人心。懇示此二選一。補茹答負義宗徒之位。時闇分。瑪弟亞獲之。入十二宗徒數焉。

第二篇

本德課斯特瞻禮第五十日。教衆共聚一堂。忽聞天來風雷。滿其居室。又有舌形如火。分置衆人之首。俱滿承聖神。能通萬國

方言。聖神命之何言。彼即言之。乃有不守
教規之依辣厄爾子孫。來自天下各方。適
居日路撒冷。一得此信。羣來聚會。聆其能
言各處之語。心中如感。喟然歎曰。出此多
言者。非加理勒亞之人乎。何以我輩各方
之言。出諸其口也。我輩實與巴爾提亞。默
弟亞。額拉木。莫索波塔彌亞。如德亞。喀帕
多什亞。奔陀。伊什亞。斐理什亞。巴木斐利
亞。厄日多。什勒訥近居之利畢亞人。及由
羅瑪前來之依辣厄爾子孫。或異族新入

教人。與生於阿拉畢亞等處者。何以聆其
以我輩各處方言。而論天主所行之大事
乎。語際相向。頗形驚訝。而有數人笑謂此
輩過飲新釀。是以醉耳。伯多祿與十一宗
徒共立。颺言謂衆曰。如德亞日路撒冷所
居之男婦等。今吾所講之道。使爾易解。詳
聽吾言。爾意以此多人為醉。錯謬殊甚。語
及三時焉。此先知約和爾所謂奇事者是
也。其言。主曰。末時。余使吾神臨於諸人之
上。使爾男女預言後事。少者得見其像。老

者夢厥幽夢。是日自賦余聖神諸恩與吾
僕婢。彼能達未來而直解之。天上地下。尚
有異常之事。即血火烟氣之跡也。未至主
大顯之日。日光暗晦。月色如血。時有呼主
聖名以求者。得救其靈焉。約和爾之言如
此。依辣厄爾之子。其聽余言。納匝肋城之
耶穌。在爾輩中。天主何其尊彼以行奇事
之權。授於彼手。爾既覩此異事。可以知之
審矣。天主預知後事。特以耶穌付於爾手。
爾即使惡衆釘殺之。天主令彼復活。至死

免於受苦。救於坟墓。彼身實不可留於地
下。達未指言耶穌。而載其言於經。謂以主
常存於心。恐吾心動於誘惑。思主居於吾
右。故吾心甚喜。吾舌乃作歌曰。余身速息
於常生之望兮。期爾不置於余靈於地獄
兮。爾之聖身不至朽爛兮。示余以自死者
中復活之策兮。聖顏示我。庶甚樂兮。余之
昆弟。余試言聖祖達未於爾前。彼既崩而
瘞。厥陵今存我地。彼係先知之士。天主嘗
與設盟。許彼一孫臨厥位。即所謂基利斯

督是也。夫基利斯督。自死者中復活。主曾預告之。基利斯督之靈。不置地獄內。其身不至於朽爛。斯語也。豈非明言者乎。天主使耶穌復活。我等皆為此事之證。天主之手。昇之天堂。父授彼許與我等。今聖神降臨之權。爾目能見。耳能聞也。達未未昇天所作詩曰。主。余與主言。余置爾敵於爾足下。姑居余右。即謂此也。如此。依辣厄爾。眾人自知之。爾等釘死之耶穌。係天主所立之主。基利斯督也。眾聞此言。心皆不安。問

伯多祿及他徒曰。吾兄。我輩宜行者何。伯多祿荅曰。汝輩痛悔。各除己罪。以耶穌名受洗。乃得聖神之恩。天主實以此福許汝。及汝子孫。遠居之士。孰禱吾主。即賜與此福也。又證以多言勸彼曰。汝須避此凶惡世人。語畢。從伯多祿之言者三千餘人。皆領聖洗而入新教矣。宗徒等嘗行數奇事於日路撒冷。彼都人士。皆驚愕贊歎。聖教之人。羣相和睦。不分人已。凡應用貨財。人皆共之。售其田畝器具。以資贍其兄弟之

貧乏者。每日誠心祈主於聖堂。教友之家。分餅授餐。共取食以謝天主。其表甚善。頗宜衆民。乃天主益增教衆。同入聖會。克救其靈焉。

第三篇

一日。伯多祿及若望陞殿祈禱九時。遇一人自母腹跛者。每日人負之置於殿門。是門名曰美門。以便求入殿者。哀矜也。是人見伯多祿及若望將入殿。即求周濟。伯多祿與若望共立法目曰。爾視我。伊若有所

乞而直視之。伯多祿曰。金銀我則無。余所
有者以與汝。以納匝肋城耶穌基利斯督
名。命爾起行。遂持其手而扶之。其兩足當
即強健。踴躍而行。贊揚天主。隨同入殿。民
衆見其步履矯捷。感謝天主形景。稔知其
為從前在堂美門行乞者。不勝竒異。而謂
其何能如此頓愈矣。乞者執伯多祿與若
望之手不釋。民衆皆歎異。趨赴撒羅滿之
廊而會見之。伯多祿見民衆謂之曰。依辣
厄爾之孫。此事何足竒乎。汝何視我輩。此

人步履。豈我輩德能而救其跛乎。特亞巴
郎。依撒格。雅各伯之天主。及吾祖宗之天
主。光顯己子耶穌耳。爾等以此耶穌曾付
異端之手。比辣多嘗判欲釋之。爾等當其
前不以為汝輩之王。棄此聖者義者。轉取
一殺人之盜。而弒昇賦生命之大君。惟天
主命彼復活。我輩皆為此事之證。且我輩
信其全能。一呼其名。遂愈汝輩所見所識
此人之足疾。其大權誠顯於汝輩目前矣。
我知汝諸昆弟。及諸首領者。實緣不知。所

為如是耳。天主乃以諸賢之口所預言基
利斯督應受難。而皆驗成其事。意欲滅汝
罪惡。亟須痛悔。迨息止於主。而主大賚其
忠士安息之日。則天主將遣耶穌基利斯
督向所宣告與爾者。爾乃共相怡悅焉。乃
復得天主初造羣類之根本次序。及所失
之美好。復自開闢天地。以及聖賢所言。皆
驗於事。耶穌允宜坐於天焉。默西亞昔謂
吾祖云。天主於汝昆弟中。將立一師。伊如
我訓導爾等也。汝曹須順其言而行。孰能

不從此師。必除於主民之數。自撒木倭勒預知未來諸賢。皆指言耶穌訓吾此日也。爾輩即為聖人之孫。天主始與吾祖平和。此平和之道。亦有汝曹資分。天主嘗謂亞巴郎曰。緣爾一孫。將降福於天下普地宗族也。天主欲汝曹先見幸於羣宗。以其子起於爾輩中。遣伊降福於汝輩。所望人各思改過遷善可也。

第四篇

宗徒方以此言語民前。司祭及殿吏。與撒

圖首黨同來。聞伊等訓民。且言耶穌自死者中復活。甚嗔。擒囚之。因日暮。欲於翌日審訊。聽伯多祿言。信從者甚衆。入教者五千。人。及翌日。城尉。諸老長者。經學者。咸集會於日路撒冷。司祭之首亞納。蓋法。及若翰。及亞勒山德。與司祭之族僉集。置伯多祿若望於訊庭中。而問曰。汝曹倚何能。呼孰名。而所行若此。伯多祿滿被聖神。謂之曰。民之衆主。與老長者。請聽。倘以我等愈此跛人。今日欲訊我輩。並欲察其痊疾之

方。汝輩及依辣厄爾民咸知。以納匝肋城
耶穌基利斯督我等主之名之能。在汝輩
目前。愈此貧人之身。汝輩將此耶穌釘死
於十字架上。天主乃使自死者中復活。汝
輩建立聖教宮工。乃棄此石而不取。然究
以為隅基也。此外無一可救。實天主欲救
我輩。別無一名能賞天下之人者。司祭之
首。及老長等。見伯多祿若望毅然之形。乃
訝其素未習文。徒為小民。復與耶穌往來。
又見新愈之人立於其傍。並無一言能答。

惟曰。汝輩始出殿外俟之。羣相議曰。此人將何以處之。日路撒冷人。皆聞其行此竒事。且事甚顯。吾輩不能不許之也。恐此事更宣於衆耳。亦惟是禁止伊等。毋許向人復提此名可也。遂召之而告以後或出言。或談道。勿用耶蘇之名。戒之哉。伯多祿及若望答曰。從汝輩言。則是違主旨而不遵於主前甚非是矣。汝輩請自裁定。蓋吾等所見所聞之事。不能不言也。衆遂嚇詐而釋之。終不獲其懲責之端。且防民梟焉。衆

因其負人疾痊。甚為讚謝天主。而此奇形
全愈之人。時年四十餘歲矣。伯多祿若望
既釋後。會見別徒。而告之以司祭之首。及
老長者之言。諸徒聞之。同心向主呼曰。主。
爾為造天地海內諸品者。爾嘗賦爾僕吾
祖達未聖神。其言曰。異族之民。何以憤恨。
各處之民。徒為虛謀。國主邦君。互相會合。
共力欲與主爭。攻厥基利斯督也。額落德。
及本氏阿。比辣多。與異端人民。以及依辣
厄爾民。果皆會集。攻爾聖子爾所傳油者。

是以成爾意旨所預定之情。今求我主。聆
彼挾制之言。而賜爾僕直傳爾福音。並祈
加我力量。求伸爾手以爾聖子之名。救人
疾病。而行超異竒跡。以顯我輩所講之道
至真焉。禱畢。羣衆之地震動。而衆滿承聖
神之恩。遂直言主之福音。一無所懼。信者
之衆。合為一心一意。其中所得之物。無有
言為己物者。悉充公用焉。諸徒以胆勇明
證吾主耶穌之復活。並以竒跡用驗其言。
於是衆人大獲天主之寵矣。其間無貧乏

者。蓋凡有田廬之人。皆售而持其價。置於宗徒足前。遂挨分以給其需焉。有若色弗者。係助未族中所出賢士。在什比落生者。有田而售之。其價悉獻於宗徒。初宗徒稱之為巴爾納巴。譯言欣慰之子也。

第五篇

維時一人名亞納尼亞。與妻撒斐辣。售己田而留其價之一分於其家。其妻亦與知焉。乃以餘分獻於宗徒。伯多祿曰。亞納尼亞。爾何聽斐彈之誘。而欲欺聖神。私匿田

價乎。此田未售之前。豈非爾田乎。既售之
後。其價又豈非爾價乎。胡為生此惡念。爾
非誑人。實誑天主矣。亞納尼亞一聞此言。
倒地氣絕。聞者無不驚懼。有數少年。昇其
尸而瘞之。少頃。其妻亦入。猶未知其夫之
禍也。伯多祿問之。婦爾告我。汝等之田。只
售此價否。荅曰。實知只此價。伯多祿謂之
曰。爾等何為黨同生此妄試主神之心乎。
瘞爾夫之少年。現在門前。伊等將瘞爾尸
耳。其婦當時倒於足前而死。少年遂入。見

其已死。遂送於其夫之傍而瘞之。舉會大驚。而此信傳於各處。莫不驚懼者。宗徒多行異跡於民間。而皆同心集於撒落滿之廊。餘人莫敢就之。惟民衆極讚稱焉。於是信從耶穌之男女數目益加矣。其敬重宗徒之情形如此。凡患病者。送之通衢。卧於床杌。伯多祿經過之時。被其影下。其病遂痊。鄰邑之人。羣來日路撒冷。凡患病及負魔者。無不痊愈。司祭之首。及異學撒圖首之黨。大懷嫉妬。命擒宗徒。囚於囹圄。天主

遣天神於夜間開獄出之。曰。汝曹往哉。詣
堂講此常生之道於民前。伊等聆言。侵晨
入堂而講道焉。司祭之首。與其黨人。咸集
會所。同見依辣厄爾孫之老長者。遣人詣
獄。解取宗徒。其人開獄。不見徒輩。反命曰。
我等封閉獄門極緊。親見守者立於門前。
惟門既啟。內竟無人。於是堂弁與司祭之
首輩。疑謂伊等究以何術而得出乎。忽有
一人來報。汝等所監之人。現在堂內訓民。
堂弁帶往。不挾宗徒。送至議殿。蓋恐民象

擲石擊殺也。既送宗徒入於議殿。司祭之首問曰。我輩曾嚴禁汝曹勿指此名訓人。

爾等轉以爾教播於日路撒冷徧地矣。又欲以此人之血罪歸於我輩。伯多祿與衆宗徒答曰。人命如不合主命。宜從天主之命。汝輩釘耶穌於刑木而殺之。吾諸祖之天主。乃命之復活。天主又欲賜依辣厄爾之孫悔過。赦其所犯諸罪之恩。以已全能舉之。而作其救贖之大君。我輩皆為此事之證。天主所賜順命者之聖神。嘗表此事。

之真也。伊等聞此言。不勝憤怒。而謀欲殺之。計。方議論間。有法利叟學一人。名噶瑪林。係通經文之士。且為諸民前之極尊顯者。突然起立。姑命宗徒外出。及出。乃曰。依辣厄爾之孫。如何處此數人。汝等請慎詳之。蓋往日有名頭德斯。自詡為大賢者。約四百餘人從之。伊既被殺。而夥黨皆散。一無存留。嗣有加理勒亞人茹答。起於籍名之日。乃惑多人。共相聚會。乃伊甫死。而從之者亦盡滅亡。今吾語爾。勿以此輩為憂。

任聽釋放。如其意其事。係屬人之意事。自必消滅耳。倘由天主來。汝輩不能滅彼。且顯違天主也。伊等從其言。乃召宗徒鞭之。禁其勿出耶穌之名。遂釋之。宗徒出殿。因以耶穌之名被辱。心甚喜悅。每日或在聖殿。或在人家。光揚耶穌基利斯督不輟。

第六篇

維時從教人數既加。而格肋西亞人。於各授任。及各賑給日用飲食。因其孀婦被輕。故嗔怨如德亞人。十二宗徒乃召衆人曰。

我輩為理飲食之物。而廢講道之工。殊無義也。然則於爾輩中。擇其端誠有據。滿被聖神。而具智德者七人。吾輩授以此任。庶我輩得以專務祈禱講道焉。斯言也。極愜會友之心。遂選蘇特法諾。滿被信德。聖神之人。及斐理伯。伯羅課羅。尼喀諾勒。第默訥。巴拉默納。尼各老等。尼各老係安弟約紀亞城人。向棄異端而入古教。今則信從耶穌矣。七人貢於宗徒。宗徒乃祈禱以手按其頂。於是廣傳聖教。而會友之數。日路

撒冷益加多矣。司祭者亦多順從。蘇特法諾滿獲主寵神力。嘗行竒事於民前。忽有削籍之僕。及什勒訥。阿勒臧提亞等。出於西利西亞。阿西亞之黨者數人。起而與蘇特法諾相敵。辯論是非。惟聞聖神賦於蘇特法諾。睿哲之言。無可對答。乃使人設為偽證。謂伊詈侮色及天主。我輩親聞其惡言矣。於以聳動小民。及諸老長。學士之心。遂羣來執伊。送於議殿。偽證者曰。斯人出褻瀆聖堂。及違侮色禁令之言。不輟。伊所

講者。即納匝肋耶穌欲毀聖殿。欲革每色所垂條例之言。吾輩實聞之。維時會議諸人。視蘇特法諾之容。髣髴天神焉。

第七篇

司祭之首問曰。此事誠如是乎。蘇特法諾答曰。諸父諸兄。請聽余言。光明天主。昔於吾祖亞巴郎在默索波大彌亞。未居加爾蘭時。顯現伊前曰。爾避爾鄉土。棄爾家族。來我示爾之地。亞巴郎方離加肋德亞。而居加爾蘭焉。其父死後。天主命其去加爾

蘭。而移往現居之地。此方未賜一步之土。惟許以此全與伊身及伊之孫。維時亞巴郎尚未有子。天主諭之曰。爾孫旅居異國。彼處之人以為奴僕。而極折挫之。余如此。嚴遣懲其族。伊等始出彼來此。以奉我也。且為結約而命以割損之禮。亞巴郎果生依撒格。於第八日行割損焉。依撒格。雅各伯。及其十二族亦如之。其族長嫉妬若斐。賣與往厄日多國之商人。天主乃與之偕。而救於各種患難。併賦以睿智。而見寵於

厄日多王法老。遂立為厄日多通國。及管
理王宮之長焉。厄日多加南方。遭饑荒。吾
祖無從得糧。雅各伯聞厄日多積有麥石。
初次先遣吾祖往彼。二次若瑟之弟兄。皆
識若瑟。法老知係若瑟之族。若瑟乃使請
其父與全家七十五人咸來。於是雅各伯
遂入厄日多國矣。厥後雅各伯及吾祖皆
卒於此。乃移葬於西克瑪墳地焉。此墳地。
係亞巴郎以銀價買於西克瑪之黑默爾
諸子者。天主所許亞巴郎之恩時既近。其

子孫於厄日多生。齒繁行。殆難僕數。後有厄日多國一新王。不知若瑟之恩。乃欲以奸計圖滅吾族。折挫吾祖。並降人棄己子。不許存活之旨。維時每色誕生。大獲王寵。養於父家者三閱月。始棄於河岸。時有法老之女。携歸養為己子焉。每色於厄日多各種文學。悉能熟習。且言有謀畧。行有威嚴。年至四旬。忽生往視。依辣厄爾子孫弟兄之念。一日。見一厄日多國人。毒捷伊弟。每色即為受傷之弟復仇。而殺其國一男。

焉。意謂諸兄諸弟。由余此事。得以易知天主
主救援伊等。欲需厥躬也。乃伊等不解此
情。於次日欲使相鬪之弟協和曰。汝皆弟
輩。胡為相害乎。害弟者指每色曰。誰立爾
為我輩君長。爾亦欲殺我。如昨日殺厄日
多國之一男乎。每色聞言遂逃。旅居瑪弟
延。而生二子焉。既又閱年四十。於西乃山
之曠野。一天神在荆棘焰火間。顯現於其
目前。每色見之。駭愕近前。欲觀奇形。天主
厲聲謂之曰。予為爾祖亞巴郎。依撒格。雅

各伯之天主也。每色戰兢。不敢審視。天主
謂之曰。脫爾履。爾所立之地。乃聖地也。余
已鑒吾民在厄日多之患難。已聽其嗟嘆
之聲音。故為救彼而臨。爾來。余將遣汝往
厄日多國矣。時依辣厄爾後裔。初不取乎
每色也。故有責其誰立爾為我輩君長之
語。然天主究立為救依辣厄爾後裔之長
而遣之。且使顯現荆棘焰火之天神。恒為
輔伴焉。每色於厄日多國。於紅海。於曠野。
終四十年間。多行異常奇跡。而救其民出

於彼國。每色謂依辣厄爾民曰。天主將於爾弟兄間。立一先知以訓爾輩如我者。汝曹宜聽之也。每色與依辣厄爾民同居曠野。與天神相往還。且於西乃山巔。常聽其語焉。伊為吾祖之開先者。乃承天主常生之命。傳於我輩。其事雖有。吾諸祖不肯從。不聽其言。乃心篤念厄日多國。謂亞倫曰。製我頭上行路之神。携我輩出厄日多國之每色。今不知何往矣。即刻鑄一犢牛之像。於像前列牲以祭。且誇悅其製做之工。

焉。天主不欲眷顧伊等。任其奉事天軍。肆
意而行矣。誠如先知所記。天主譴責依辣
厄爾後裔。在曠野四十年間。曾獻我以犧
牲之祭乎。反捧爾華麗摩落克之帳。與爾
神勒木法瑪之星。爾手造之邪像。尚崇拜
之。是故余將移爾於巴比倫外之語矣。其
結約之帳。時與吾祖同在曠野。天主諭每
色曰。汝依山巔所見之式製造之。若耶穌
携吾祖入異族加南之地。衆舉帳而移於
此。天主將此異族於吾祖前驅逐之。此帳

至達未德時猶存。伊獲寵於天主。而求示
以供奉雅各伯天主帳櫃之大堂地址。而
撒落滿卒為天主建堂焉。惟至尊天主。非
居於人工製造之堂。誠如先知依撒意亞
經記主曰。天乃吾之座。地乃吾足之几。為
我建何房。何處為我安逸之所乎。斯萬物
非吾手自無而造成乎。汝輩強項。惟心與
耳偏僻之人。常違聖神。汝祖如何行為。汝
輩皆效法之。汝祖於先知之士無一未加
害者。有預言義主將臨於世者。胥殺之。汝

輩復背此義主致之死地。天主以天神授
之法令。汝輩受之而不遵守也。衆聞此言。
切齒嗔恨。惟蘇特法諾滿承聖神之恩。仰
見天主榮光。且見耶穌立於天主之右。乃
曰。現見天開。人子立於天主之右。衆遂高
聲喧喊掩耳。共力突入。逐出城外。擲石擊
之。其証者解己衣置於一少年名掃祿者
之足前。衆方以石頻擊蘇特法諾。伊乃禱
曰。吾主耶穌。收我靈魂。復跪地大呼曰。主。
赦彼之罪。言畢。泰然卒於主前矣。掃祿之

心。與殺蘇特法諾衆人之情同。

第八篇

維時教衆在日路撒冷者。大遭捕害。皆散於如德亞。撒瑪利亞各方。宗徒無可避處。乃有熱心善敬主者數人殞葬蘇特法諾之尸。復哭於墳而哀。掃祿乃欲殘害教衆。緝入各家。擒其男婦而囚之。而諸散者隨處傳布福音。時斐理伯入撒瑪利亞城。宣講耶穌基利斯督於衆民。民乃會集。共見斐理伯所行奇事。更留意以聽其言焉。初

有負魔者數人。甫近斐理伯前。邪魔即大聲喊叫而出。又患殘疾跛痺者。多所全愈。於是闔城之民。不勝欣悅。有一人名西滿者。嘗居於此。伊曾攻妖術。自詡為大神。而盡惑撒瑪利亞之民。老幼聽從。以為實有天主之盛德也。因伊多年以妖術惑民。故民甚敬之。惟斐理伯宣講天國福音。其男婦信從。咸領耶穌基利斯督所立授洗之禮。西滿亦信而受洗。從斐理伯遊。見其所行超異奇跡。殊駭歎焉。暫居日路撒冷宗

徒等。聞撒瑪利亞之族信從聖道。遂遣伯多祿與若望往顧之。二徒既至。為彼祈禱。欲其能得聖神。然聖神尚未降臨。惟因耶穌之名受洗而已。宗徒祈禱畢。乃以手按其頂。彼遂得受聖神矣。西滿見宗徒等以手接人之頂。聖神即臨。因以銀獻曰。求爾等以此能賜我。使我手接人頂。即受聖神也。伯多祿答曰。爾銀與爾恒失矣。緣爾以銀欲得天主之恩也。此事毫無與於汝。爾心實不忠於天主。爾其痛悔罪惡。祈求天

主。或宥爾心之逆情耳。余觀汝心居於苦
胆之內。而繫於重罪之繩也。西滿謂宗徒
曰。爾等為我祈主。克免此禍也。伯多祿。若
望。既已講証主言。遂回日路撒冷。宣布福
音於撒瑪利亞多處焉。主遣一神謂斐理
伯曰。汝起南往。由日路撒冷抵加撒之路
而行。是即破敗加撒城也。斐理伯遂起往。
途中遇一額弟阿比亞國大有權位之內
官。係王后堪達舍司庫者也。因欽崇天主。
來日路撒冷。乘車而還。伊嘗誦先知意撒

依亞之經文。天神謂斐理伯曰。汝進前。傍車而行。斐理伯疾趨。聞車中誦先知意撒依亞經文。遂問曰。爾意謂何。可能明白此言否。答曰。無人講解。何能明白。即請同坐車中。所誦經文。其死如不鳴之羔羊。依謙德義德勝之。誰能評彼先代等語。內官問曰。意撒依亞指誰而言。指己身而言乎。抑另指一人而言乎。斐理伯此時。直言天主耶穌降生救世之事。領洗入教之規。語雖簡略。因聖佑非常。大動其心。經過道旁。見

一水泉。內官曰。此間有水。不能與我付洗乎。斐理伯曰。果能真心信認吾主耶穌。有何不可。二人遂下車。至水泉處。行付洗之禮。禮畢。天神下降。携斐理伯去矣。內官四望不見。欣然啟行。斐理伯見已在亞瑣多城。即遇諸邑宣傳福音。遂抵舍撒勒哈邑焉。

第九篇

掃祿挾制耶穌教人。欲圖害滅。因見司祭之首。求願移於大麻斯各府諸會公文。倘

遇新教男婦。即拘解。日路撒冷。行近大麻
斯各府。倏有異光環射。伊遂昏仆於地。頃
聞光內。大聲呼曰。掃祿。掃祿。何故圖害我。
掃祿問曰。主。爾為誰。答曰。我是耶穌。汝所
圖害者。掃祿大驚。自悔從前之無道。哀告
云。吾主。命我何為。耶穌答曰。且進城。自有
人指引。其從者亦聞其聲。而不見其人。此
時掃祿迷瞶。不知所在。併未能自立自行。
扶入城中。三晝夜不見天光。不食地味。時
城內有大德之士亞納尼亞。耶穌示曰。汝

往掃祿處。與之入教。亞納尼亞回稱。此人
多害聖門。現在尚執公文。在城查緝。耶穌
復諭曰。我先已化導。將來用為寶器。傳我
名於萬方。亞納尼亞領命。往至其家。呼名
直告曰。爾途中幸見之耶穌。今遣我來看
爾。引爾入聖教。併領斯彼利多三多之神
恩。言畢。掃祿神清目亮。躍然而起。遂受聖
水。既食既飲。身軀強健矣。未幾幸蒙主牖。
融通大道之全。即出而講論。化民濟衆。不

欲秘其所得之天寶貝焉。時大麻斯各府中。

有如德亞國人以千計。每七日一會。設道
論學。掃祿往與其會。即據經典。明證天主
已降生於世。已顯於本國中。宣敷大道。廣
貽靈跡。萬不可疑。鄉人皆訝曰。斯人也。乃
攻是教者。奈何反為稱述。而驗其真耶。掃
祿更堅指神訓。辯析奧旨。諸人莫敵。無可
奈何。益加妬恨。謀殺之。幸門弟知之。藏之
竹篋。深夜縋城而出。至日路撒冷。諸宗徒
不納。俱畏避之。幸有巴爾納伯。幼同受學
於賈師加瑪禮之門。始為通達其情。引入

宗徒之列。又因如德亞人。仇恨甚深。避往
達爾西本地。不數月。聖教廣傳於如德亞。
加理勒亞。撒瑪利亞諸處。而教衆畏敬天
主。滿承聖神欣慰之恩焉。維時伯多祿欲
視同教諸友。行至路達。因悟在此居住之
諸聖。遇一名厄訥哈斯者。癱卧於榻。已及
八年。伯多祿謂之曰。厄訥哈斯。主耶穌基
利斯督救汝。爾起。收爾衾裯。厄訥哈斯遂
起立焉。理特達。撒羅納二城。人見此奇跡。

皆從吾主耶穌矣。若伯城中。嘗有一婦。原

入聖教。名達比達。譯言阿爾加理。其所行善事。周濟貧人。功德殆難盡述。不幸是日患病死。家人洗其屍。置之高樓。理特達近於若伯城。教衆聞伯多祿在理特達城中。命二人敦請。戒其勿緩。速來吾地。伯多祿乃與偕來。既至。引上高樓。諸孀婦侍立兩傍。涕泣不已。指已所著衣服。示伯多祿曰。是皆達比達向時所製。而施與我輩者。伯多祿使衆出外。跪禱畢。向屍曰。達比達。爾起。伊開目見伯多祿。即坐起。伯多祿伸手

提之立。召諸宗徒孀婦。示其復活。在若伯
城者。見此事。信從耶穌者衆矣。伯多祿久
在若伯。居於熟皮匠人名西滿者之家。

第十篇

舍撒勒哈有一人。名課尼利阿。係意大利
亞百夫長。伊與全家熱心敬主。哀矜貧民。
每行祈禱。嘗於一日。約計九時。於默照內。
得見天神顯現。呼曰。課尼利阿。伊仰視驚
愕曰。主。有何事。曰。爾祈禱。並哀矜貧人之
善功。達於主前。天主亦欲酬爾功。爾今遣

人往若伯。請西滿字伯多祿者來。伊居於
熟皮匠人名西滿者之家。其家乃在海濱。
伊即告爾以應行之情矣。神遂不見。課尼
利阿即召二僕。與一敬主。本管之兵。告以
此事。而遣往若伯城。次日。三人行路。將近
於城。乃伯多祿於高樓祈禱六時之久。既
而腹饑欲食。方治饌間。其神目忽見如大
單袂四角。從天降地。袂內有各類獸蛇禽
鳥。並聞有聲。其聲曰。伯多祿汝起。殺而食
之。伯多祿答曰。主。此焉可行。不潔穢物。余

未嘗食之。聲又謂曰。天主所潔之物。爾勿
謂穢也。如此者三。其袂乃掣於天。伯多祿
自疑所見之像。究係何指。正凝想間。而課
尼利阿所遣之人適至。立於西滿之門。呼
人問有西滿字伯多祿者居此否。時伯多
祿正爾詳思異像。天神謂之曰。今有三人
尋爾。速起。下樓與之偕往。勿疑。是余所遣
來者。伯多祿乃見三人。謂汝輩所尋者。我
也。不識何故而來。答曰。百夫長課尼利阿。

實乃義人。以如德亞衆人之言。而敬畏天

主者也。嘗見一神。伊如神命請爾至其家。以聆爾訓。伯多祿乃引之入。而厚款之。明日興程。與之偕往。若伯又使數弟隨之。次日入舍撒勒哈城。課尼利阿乃集親朋拱候其來。伯多祿將入。課尼利阿趨迎伏拜。伯多祿曳之曰。起。我猶人也。同語而入。見有多人共集。謂之曰。如德亞人。甚惡異族之民。不敢相往來。不敢入其室。汝輩咸知之。然究以天主示我者。不論何族之人。不可謂其污穢不潔也。故汝請我。我毫無疑

慮而逕來。試問。請我誠何意耶。課尼利阿
答曰。前四日九時。余在室祈禱。忽一白衣
人。立余前曰。課尼利阿。天主准爾祈禱之
言矣。爾哀矜貧人。施捨錢銀。主已誌之。今
遣使往若伯。請西滿字伯多祿者來。伊居
熟皮匠人西滿之家。其家現在海濱云云。
余即刻遣人請爾。爾幸來矣。我輩俱在爾
前。願聞天主命爾之聖言。伯多祿啟口曰。
我確知天主無偏僻心。不拘何族之民。畏
而行之。以忠者。實懷主心也。天主為宣福

音於依辣厄爾子孫。特遣聖子。欲以耶穌
基利斯督。與彼平和。夫耶穌基利斯督。乃
天地萬有之主也。納匝肋城之耶穌。受洗
於若翰後。其如何起自加理勒亞。而講道
於如德亞各方。如何天主賦與神恩竒能。
如何遊歷諸處。而施恩於人。救衆於邪魔
之禍。是因天主與之偕焉。汝輩已風聞之
矣。耶穌行何事於如德亞及日路撒冷。我
輩目睹而為其証。乃彼處之人。釘死於十
字架。天主命其第三日復活。而使之顯現

焉。其衆民未睹其復活。惟天主預定數証
得睹之矣。實我輩耳。耶穌自死復活後。我
輩與之同飲共食。伊猶命我輩講語衆民。
余為天主所立審判生死者云。按諸先知
者曰。凡信耶穌之人。仰賴耶穌之功。可獲
已罪之赦。伯多祿正爾宣講聖道。聖神即
降於諸聽講者。其由古教入新教。及與伯
多祿同來者。見聖神施寵於異族之人。咸
驚異焉。蓋聽伊等以各方言語頌揚天主
也。伯多祿乃言曰。凡茲多人。既知我輩仰

承聖神。今可不令其付洗乎。乃命多人咸領聖洗焉。事畢。衆請留居數日。

第十一篇

宗徒等。及在如德亞諸弟輩。聞異族之民。有信從福音者。伯多祿乃至日路撒冷。由古教入新教者責之曰。爾何會見異族之人。與同飯乎。伯多祿乃陳事之次第告之曰。余在若伯城祈禱時。余神目見如大袂四角從天而降。此袂近余。諦視之。中有牲畜獸蛇禽鳥。並聞有聲。其聲曰。伯多祿汝

起殺而食之。余荅曰。主。余不敢如是行。緣
不潔穢物。余未嘗入口也。從天又有聲曰。
天主所潔之物。汝勿謂穢。如此者三。祇內
所有各類。俱復掣於天矣。時舍撒勒哈所
遣三人。適立余居宅門首。聖神乃訓余曰。
汝勿遲疑。與之偕往云云。此六弟者。嘗從
余往。我輩其家。其人即告伊家如何有神
顯現。天神如何。命伊遣人往若伯城。請西
滿字伯多祿者。西滿自能救汝。及汝閤家

等語。余方講道。而聖神降臨於彼。亦如初

降於我等焉。余嘗記主言曰。若翰以水洗
人。爾輩將受洗於聖神也。我輩因信耶穌
基利斯督而獲寵。倘天主欲同施寵於彼。
我何人斯。能阻主乎。衆聞此言。默然不責。
而反頌主曰。然則天主亦欲異族之民獲
享永福。而賜痛悔之恩矣。當蘇特法諾被
害時。離散教友。流竄於斐尼西亞。及什伯
羅。安弟阿紀亞等處。不講福音於異族人。
惟講於依辣厄爾民。其間有數什伯羅。及
西勒訥人。入安弟阿紀亞後。與柯勒西亞

人言。每稱耶蘇焉。天主乃施特恩佑彼。而
誠信從教者。其數益多矣。在日路撒冷會
友。得聞此事。遂遣巴爾納伯往安弟阿紀
亞。伊抵其地。見主聖寵之徵。不勝欣悅。勸
衆更堅事主之心。夫巴爾納伯。誠賢士也。
滿承聖神之恩。教友之數益加矣。巴爾納
伯乃往塔爾西。欲尋掃祿。適遇之。乃同至
安弟阿紀亞。在彼經年與教友居處。而訓
人極多。其行美法善。於是教中人始有基

撒冷來安弟阿紀亞。內有一名阿噶伯者。伊以聖神默啟。預告天下將有奇荒。實在羅馬國王喀爾庫提優時也。教衆乃各量已力。為贍養如德亞居住弟兄。賚其資財矣。巴爾納伯掃祿。實董其事。以所聚集資財。賚送日路撒冷諸高年者。

第十二篇

維時國王厄落德。苦害聖教會數友。乃殺若望之兄雅各伯。見此事甚稱。如德亞人意。遂安心擒伯多祿。時乃食無麩之餅日

也。既擒獲伯多祿。囚於獄。命以十六卒分
四起更番守之。意欲過巴斯卦禮後。於民
前懲之也。方伯多祿被禁於獄。教會諸友
為彼祈主不間。厄落德將伯多祿示衆之
前一夕。伯多祿被繫二鍊。眠於兩卒之中。
餘卒於獄前守其門。忽一天神顯現。光照
囹圄。擊伯多祿之腰醒之曰。速起。禁手鐵
鍊遂脫落矣。天神復語之曰。結爾履。穿爾
衣。速隨我行。伯多祿遂出從之。不以天神

所行為真。憶其為神目所視之像也。由有

守兵二處經過。至通城之鐵門。而門自開。同出前進。又過一街。神即離去。伯多祿如醒。自忖曰。今乃知主遣天神脫我於厄落德之手。而不逞於如德亞民之惡心。徘徊前進。至瑪利亞家。此瑪利亞。即若翰又名瑪爾歌之母也。教衆嘗聚禱於其家焉。伯多祿叩其門。一女名羅達者出應。一聞伯多祿之聲音。甚喜開門。疾趨入內告衆曰。伯多祿立門首矣。衆曰。是真瘋顛之言。女聖謂確是。衆曰。蓋其神使耳。伯多祿扣門。

不已。乃開門晤見。不勝驚駭焉。伯多祿手
示口述天主如何救其出獄。並謂汝輩以
此報聞雅各伯及諸弟兄可也。遂離城而
他適矣。天既明。衆卒不見伯多祿。心殊慌
懼。厄落德命於各處索之不獲。拷問衆卒。
而令殺之。後由如德亞起程。而往舍撒勒
哈城。遂居於此焉。厄落德怨恨提羅。西敦
二邑之人。伊等同心與管王宮之比拉斯
圖關說賄囑。赴厄落德前。以求和息。寔綠
提羅。西敦之人。惟賴如德亞糧以資生也。

厄落德於定日。服王衣。臨御座。向其宣諭。衆乃諂諛曰。此乃天主之言。非人言也。突有一天神擊厄落德。蟲噬其皮肉而死矣。以其弗歸榮於天主也。福音乃傳於徧地。而信從者益多矣。巴爾納伯與掃祿既竣所司之事。自日路撒冷同携若翰別名瑪爾歌者以歸。

第十三篇

安弟阿紀亞會內。有預言未來。博學明道之士。其間即巴爾納伯。西滿名黑者。西勒

訥地方之路。西阿瑪納痕。與厄落德。特他
拉爾喀同學。掃祿亦與焉。象友方祈禱齋
素時。聖神語之曰。汝曹將掃祿巴爾納伯
分出。余付伊等以何事。令速理之。伊等正
爾齋祈。而接手於其首。遂命啟行。二人已
受聖神之遣。即往西落西亞。自彼登舟。欲
至什伯羅島。既入撒拉米納城。遂於依辣
厄爾聚會之處。宣講主訓。若翰別名瑪爾
歌者實輔助之。周歷其島。至帕弗斯。過如

德亞一男子。名巴爾野蘇者。善於術而能

測未來之事。伊與總統長官色拉日五。保羅哲士偕坐。總統長官欲聽聖言。乃請巴爾納伯與保祿偕來。巫師厄利瑪斯。以方言譯其名。乃如此。與巴爾納伯掃祿對敵。力攻其言。而謂總統長官勿信其語也。掃祿又名保祿者。滿被聖神。視之曰。善欺誑哉。克惡之黨。邪魔之子。諸善德之賊。爾毀天主之正道不已乎。今天主之手在爾身。天主嚴罰將及。盲爾雙目。不覩日光矣。言未訖。巫師之目遂盲。不能行立。而祈人以

手引之。其官目覩此事。遂聽從聖訓矣。保
祿與濟輩自帕福起程。航海至巴木斐利
亞之彼爾加城。若翰乃離伊等而旋日路
撒冷焉。伊等過彼爾加城。至彼西弟亞之
安弟阿紀亞。於撒帕多日入會殿坐。誦聖
律及先知之經書畢。古教會長使人問曰。
惟兄若弟。如有訓民之語。請講。保祿乃起
手指示衆曰。依辣厄爾人。及凡畏天主者。
請咸聽之。依辣厄爾民之天主。昔選我列
祖。以其子孫方旅居於厄日多國。舉之以

為己民。復以峻臂援彼。出其疆。四十年於曠野間。耐其逆行。於加南地滅其七族。去生伊撒格四百五十年後。始闡分其土地焉。嗣至先知撒木哲爾。乃立承審者。伊等厭怠。乃求其王。天主即賜之以伯尼亞民支士斯之子撒烏爾。伊在位四十年。謝世後。乃起達未德為其王。天主嘉之曰。余已獲耶斯色之子達未德。深愜余心。且承行我旨焉。天主踐其所許之言。於達未德之裔。選救依辣厄爾之主耶穌。若翰先耶穌。

而來。以水洗依辣厄爾民。勸令痛悔已過。若翰勤治主途。嘗曰。爾輩以我為誰。余非爾輩所憶者。行有厥來。余後。余猶周敢親釋厥綦。亞巴郎之孫。余諸弟兄。爾輩中誠有畏主之人。耶穌為救爾輩而來也。蓋居日路撒冷者。與其官長等。不之識。又雖每誦先知經書於撒帕多日。緣不解經義。審之以驗經言。明知無辜致死。仍懇比辣多殺之。以驗聖經所言。聖軀取。下。塵之於墓。

惟天主乃自死者中復活之。多日顯現與

伊自加理。助亞來日路撒冷之人。其人至今猶在。足證其事於民。今吾告爾輩。以許我列祖之恩。天主命耶穌復活。實施此恩於伊等之子。用驗詩之二章。天主聖父謂耶穌曰。爾為我子。我今日乃生爾。天主命耶穌自死者中復活。不使至於朽爛。故曰。余許達未德之聖事。實施與汝輩。是以他詩又曰。不忍以爾聖子之身。致於朽腐也。今思達未德畢生遵從主旨。勤行諸事而崩。合葬祖墓。其身已朽。夫天主所命復活。

之耶穌。實無朽爛也。余之諸昆。今宜咸知。以耶穌之故。不惟併免汝輩已罪重負。又令汝輩可獲遵守每色法令典禮而未能得之聖寵。所有信從耶穌之人。俱蒙寵愛於主。天主所告爾者如此。先知預言之患。恐及汝躬也。慎之。不齒賢人之言者。極須觸目警心。余將行事於汝世。事之如此。倘他人語汝輩。汝輩將謂不信也云云。伊等將別。請於來次撒帕多日再講此理。會集

之人。各回本地。依諫厄爾民內。及敬天主

之異族人等。多有信從保祿與巴爾納伯者。二人勸其善為保存天主寵佑焉。比至來次撒帕多日。城內之人群集而聽聖道。依辣厄爾民見此群眾。遂生嫉妬。而詈訕保祿所請之道。保祿與巴爾納伯毅然謂彼曰。聖言先宜語於爾等。惟爾輩不聽。亦不欲享常生之福。我輩將傳於異族之人矣。蓋主命如是。且謂我輩曰。余以爾為諸族之明光。至地兩端施救伊等云。異族之民聞之。遂喜而嘉聖道矣。凡預定享常生

之福者。皆信而入教。於是聖道益廣傳於
普地矣。乃依辣厄爾民固執教規。又唆貴
家之婦。及煽動城內巨室之心。使捕保祿
與巴爾納伯。逐之出境。伊等向其抖足之
塵。而來以可尼武。新入聖教之友。雖被艱
窘。心殊悅樂。而因聖神之恩。益加堅固矣。

第十四篇

二人既至以可尼武。同入古教聚集之殿。
而講聖道。於是如德亞。厄勒西亞二黨中。

唆異民之心。令其怒仇宗徒等。居此良久。毅然訓衆。天主又賦伊等行竒之能。以証其言之實。是以城內之民。始離心矣。有半從古教者。有半從聖徒者。其異端輩。與古教人。各擁其長。欲辱宗徒。欲擲石殺之。保祿與巴爾納伯知之。而逃路可尼亞之立思他拉。及德爾本二城焉。歷遊其地。宣傳福音。其地一人。自母腹患跛。不能步履。其聽保祿講道。保祿視之。見其心有求痊之信。乃高聲曰。爾速倚足直立。其人即踴躍

而行。衆見保祿所行奇跡。乃以路可尼亞語喧揚曰。誠諸神取人之形。而降臨於吾地也。即名巴爾納伯為如比特爾。名保祿為莫爾古畧。是以保祿為言語之宗焉。乃有一附城近居之司祭者。以犢數頭冕旒一項。送於門首。欲偕衆民祭獻伊等。宗徒等與保祿巴爾納伯聞之。即裂厥衣。突入民叢曰。若輩所行者何。吾儕乃以爾輩為有同情之人。吾語汝曹。棄此虛妄。欽崇常

生。天主。天主實生。天地海內諸類。主雖任

其徃代之民。肆意妄作。然究施慈惠。或降
應時之雨。或分別五穀百菓成熟。收藏之
序。以諸品食物。悅樂人心。以顯其唯一真
主。斯言也。僅欲阻止羣象之欲祭已也。忽
有自安弟阿紀亞。及以可尼武來如德亞
者數人。唆象以石擊倒保祿。以為已死。而
拖於城外。教象圍聚。忽起入城。次日偕巴
爾納伯前往德爾本。既傳福音於此城。而
訓多人。遂回立思他拉。及以可尼武。及安
弟阿紀亞。以堅新入教者之心。勸以信德

妥為保存。勤加記憶。惟多受苦難。乃可登
天國焉。彼立會長後。齋素祈禱。彼既信天
主。即付於天主之手。既而過彼西弟亞。到
巴木斐利亞。又講道於伯爾熱城。而往意
大利亞。自彼航海。欲赴西利亞之安弟阿
紀亞焉。安弟阿紀亞之會長等。果以伊等
付於主寵。使之由此地傳道矣。彼又克盡
厥職。既至。羣集會友。而告以天主用伊等
行何大事。既開信門於異族之民。且偕教

第十五篇

維時有數友。自如德亞來安弟阿紀亞教諸弟曰。倘汝輩不依每色法令而割損。必不克救靈魂。會中方興大亂。保祿與巴爾納伯力攻其言。衆意以為保祿與巴爾納伯偕同別友。徃日露撒冷。問此事於宗徒及老長等而定者。教衆既送保祿巴爾納伯。過斐尼西。及撒瑪利亞。而述以有異族多人入教者。此言也。殊悅諸兄若弟之心焉。既抵日露撒冷城。諸會友宗徒及老長

者。咸加青目。伊等復向其詳述天主用之
行何大事云云。法利叟信從數人起曰。宜
命割損而守每色之法。宗徒與老長者會
議此事。方將詳審之。伯多祿起謂伊等曰。
弟輩。汝曹咸知。天主於數日前。特於我輩
中選余講道於異民。引其向信。天主照鑑
人心。証其心誠。聖神賜伊等如我輩焉。一
體視之。毫無區別也。以信潔厥靈。今何妄
試天主。而以我列祖及我輩不克舉之軛。
而欲移之教中諸友耶。蓋信吾主耶穌基

利斯督之聖寵如何救我輩。亦救伊等也。時衆人默然不語。而聽巴爾納伯及保祿謂天主如何用伊等大行奇跡於異民之間。述畢。雅各伯曰。諸兄若弟。咸聽吾言。天主如何憐憫異民。而於其中光榮己名。且為入伊聖教。而選多人。西滿適己言之矣。允與先知之言符合。經記。此後余必來。再築連未德坍塌之屋。整理其頽敗。而復立之。使餘人及萬民聽我名者。皆求天主也。主言此成此諸情。自世之始。天主已知其

諸工。是故每憶不可累及歸主異民。惟遺
之書。勸其毋食祀邪像之食。毋淫娼妓
女色。戒食搗死禽獸及其血也。自古在昔。
各城會殿。有欽崇讚頌每色者。每撒帕多
日。讀其經書也。於是宗徒與老長者。及會
中諸友。咸是其言。於其中選擇數人。使偕
保祿與巴爾納伯往安弟阿紀亞。即選如
連別名巴爾撒巴。及西拉二人為輔行。復
寄札云。奉候宗徒及諸老長。與在安弟阿
紀亞。及西利亞。西利西亞。並由異族而入

教之弟兄輩安好。頃聞有我輩數人前往
汝處。造言傷汝靈魂。亂汝心曲。我輩未嘗
以此事命彼也。現在公議特選數人。隨吾
親愛之弟保祿及巴爾納伯同往。夫保祿
巴爾納伯者。乃為光榮吾主耶穌基利斯
督之名。而捐生不辭者也。且使如達西拉
偕行。此二人者。同以口語而宣其事。蓋以
聖神之命。而為我輩親定者。除此要端而
外。實無重軛負汝。汝輩切戒供祀邪像之
物及其血。與夫搗死禽獸之肉。及與娼妓

奸淫之事。守此誠行。身安心泰。幸甚云云。
使者啟程。前往安弟阿紀亞。聚集衆人。而
呈其札。讀竟。宗徒等怡悅。衆心俱欣喜焉。
如達西拉亦為先知。以言慰衆。尤加堅固
矣。居此數日。其會友緩遣如達西拉仍回
諸宗徒前。此實宗徒等所遣者也。西拉願
仍居此。如達遂隻身赴安弟阿紀亞矣。保
祿與巴爾納伯居安弟阿紀亞。偕多友訓
人。而宣吾人耶穌聖教焉。數日後。保祿謂
巴爾納伯曰。我輩仍回諸城講道。並視諸

弟之情形如何。巴爾納伯副其意而欲携若翰同往。此若翰又名瑪爾歌者。保祿轉懇之曰。此人於巴木斐利亞離我輩。我輩傳教。未嘗隨之。今殆不可携矣。兩相諍勸。意見不同。遂相離別。於是巴爾納伯携瑪爾歌航海往什伯羅島。保祿乃選西拉。請弟兄祈主賜之恩祐。遂啟行。經理西利亞。西利亞西亞等處。而益堅諸會友之心。且命其妥守規誡焉。

第十六篇

保祿至德爾本。及立思他拉。遇此處一教
友名提默篤者。其母係依辣厄爾族人。而
入聖教。其父則為異端人也。在立思他拉。
及以可尼武之諸昆弟。咸稱其善行。保祿
欲携之同往。且為彼處如達輩取而割損。
蓋象人無不知其為異端者之子也。伊等
游歷諸城。遍傳宗徒與老長者所定教規
而命守之。諸會友之信益堅。而其數日加
矣。伊等過斐利西亞。及加拉第亞時。聖神
禁其講道於亞西亞。乃來密西亞。而往畢

抵尼亞。聖神阻之不許往。既離密西亞。遂至多羅亞焉。保祿夜見一像。乃瑪舍多尼亞一人。明現伊前。立求之曰。爾來瑪舍多尼亞。而救我等云。見異像之後。我輩立備前往瑪舍多尼亞。確知往傳福音。非我輩私意。實天主特旨也。遂由海路自多羅亞。逕至撒默大西亞。次日遂入尼亞波羅城。自彼至斐利坡邑。其城在瑪舍多尼亞界。因羅瑪多人移居於此。城中之人。皆從羅瑪法令焉。數日居此城內。宣傳聖道。撒帕

多日。乃出城門。散步河濱。蓋誦經祈禱之所也。遂坐於地。講道於聚集衆婦前。有一婦名路第亞。素於第亞第邑賣紅絨以敬天主者。聽講道言。天主乃動其心。啟其明悟。專注於保祿之言。伊與其闔家俱領聖洗。復懇之曰。倘爾輩以我為忠心事主。求入我室而居焉。且強留我等也。我輩嘗往誦經之所。遇一婢負魔。能言未來之事。其主因以獲利甚多。此婢隨從保祿與我家

呼曰。此皆至尊天主之人。伊等以救汝輩

正道指示汝輩。其婢多日如是也。一日保
祿不悅。禁魔曰。以耶穌基利斯督之名。命
爾速離此婢。魔乃即時離去。婢主見失獲
利之望。乃擒保祿與西拉解送於官曰。此
輩擾亂我城。伊城皆如德亞人。所傳之道。
所訓之規。我輩係羅馬人。不能不順從也。
衆民突入。欲傷伊等。官乃褫其衣。命究撻
之。重撻後。遂禁於獄。司獄者命妥為防守。
獄卒承茲嚴命。更禁於深室。而加縲綫焉。
夜半。保祿西拉二人。祈禱天主。囹圄人犯

盡聞之。忽地大震。動搖獄基。諸屋之門立
啟。其鐵鎖桎梏。皆自脫落。獄卒頭目驚醒。
見監門盡開。自忖人犯皆逃。即拔刀欲自
刎。保祿高聲呼曰。不可自傷。我等皆在此。
命秉獄燭。伊遂入內。驍馬戰伏於保祿西拉
面前。引伊等出外。問曰。我主。我將何行。乃
得救靈乎。荅曰。信我主耶穌。乃得救。汝及
汝闔家之人也。遂以吾主耶穌之道。宣講
於伊及其家衆人前。獄卒頭目即於是夜
洗其捷傷。伊並其全家。即領聖洗訖。遂延

二徒於其家。排列餚饌。闔室歡慶。宴飲焉。
天既明。官遣使者命禁卒頭目。釋此二人。
獄卒照此言告保祿曰。官差人命我釋爾
等。今爾出而安適矣。保祿謂差役曰。我輩
係羅馬人。官未審訊我輩時。命於眾目前
重撻而禁於獄。今乃潛自釋放乎。其事何
可如此。請伊等自來釋放我等可也。差役
以此言稟其官。聞其為羅馬人。大驚而來
乞求之。且引于外。而懇其出城。二人出監。
入路第亞之家。見諸弟兄。勞慰而去。

第十七篇

既遊安斐波羅。與亞波羅尼亞二城。抵弟
撒羅尼亞。此處有古教人聚會之殿。保祿
依規入殿中。連三撒帕多日。講解經文。而
論基利斯督應受難。自死者中復活。末復
言曰。吾所言耶穌者。即基利斯督也。其中
有信從者數人。乃就保祿與西拉。於是異
族之民。欽崇天主而信從聖教者益衆。而
貴家之婦亦不少也。其拘守古教之如德
亞人。携其民之黠惡者。恃強亂城。圍牙孫

之家。欲索保祿西拉。以付於民。索之不獲。乃擒牙孫及教中數人。送於管城之官曰。此輩亂我之城。特來於此。而牙孫匿於其家。且違羅馬帝王之旨。另講一王名耶穌者。衆民與城官聞其言。不勝憤怒。惟牙孫以他人明言其事。安釋回家。諸弟兄連夜速遣保祿西拉往彼利亞。既至。入如達聚會之殿。此輩乃高尊過於弟撒羅尼亞之人。忻受道言。日究經旨。以察保祿所言與經合否也。其中信者極多。至由異民而入

聖教之貴家男婦。尤難僕數。在弟撒羅尼亞之如達輩。聞保祿在彼利亞宣傳聖道。皆來此欲聳衆以作亂。於是教衆速遣保祿往海濱。西拉與第莫圖遂居此焉。引保祿之人。引至亞特尼亞。乃領其命西拉與第莫圖速來此處會我之語而回。保祿在亞特尼亞候之。見其城中崇信異端。心殊激切不安。每日在會殿與如達人及新入教者辯論。並於通衢講訓所遇之男婦焉。有數文士。依比古利阿。與蘇多依二學之

弟子等。攻敵保祿。以辯道之是非。其中或
互問曰。如此多言之人。將欲何言。或答曰。
伊似講新神者。蓋保祿嘗以耶穌復活告
伊等也。遂擒之。送於亞利阿巴額衙曰。孰
能聽爾所傳之新教乎。蓋爾以新奇之音
入吾耳。吾輩願知其意也。維時亞特尼亞
城人。與旅居之客。皆無他務。惟喜聞新奇
之言。保祿遂立於亞利阿巴爾衙中曰。看
汝亞特尼亞人。於邪神敬謹過甚。適余視
汝神像。見一壇額。刻曰人未知之神壇。汝

輩未知之天主。余將告汝。天主乃造天地萬物者。其為天地之主。弗居於人手造之廟。人即崇奉。而無需乎人手也。天主實無欠缺。於凡人之生命呼吸。及夫需用之物。皆主所賦者也。由一男而傳人類。使居普地。而定人之生命年壽。與夫各族棲處之疆界。天主如此美好備世之意。蓋欲人摸索以尋天主。而蒙其撫愛之也。天主與人。不遠。凡吾輩生者動者有者。皆在其內。汝輩詩人內。有一名賢。嘗曰。我輩即屬天主。

之類也。既為天主之類。不可憶其雕琢工匠所製之金銀石像。即同天主也。天主寬其往時之惑。而令人悔過行善。天主實定公判天下萬民之日。又定一人行此審判。令其自死者中復活。而証於衆人矣。亞利阿巴額大臣。聞死者復活之語。或竊笑之。或謂此事再聽爾講可也。保祿如此出其中。亦有數人信而從之。即亞利阿巴額大臣第約尼西亞。一婦名達瑪利。及其餘數人也。

第十八篇

其後保祿出亞特尼亞。而來可林多。途遇如達。裔名亞古拉者。其生在本多士。伊同其妻比利西拉。自意大利亞而新來可林多也。蓋草老第阿命如達人。皆出羅瑪。保祿就伊同居而習其藝。乃製毯也。每撒帕多日在堂辯論。而稱耶穌之名。以勸如達及異族之輩。適西拉與提默篤來自瑪西多尼亞。保祿益以為切証。而詰如達人。以明示救世者為耶穌也。伊等不從保祿之

言。反加訛謗。保祿抖已衣謂之曰。爾輩之血。在爾輩之頭。我則甚淨。嗣後惟傳道於異族之民耳。遂出亞古拉之家。而入一名第多號為義者之室。第多雖係異族之人。嘗敬天主。其家鄰於古教之殿。其殿長基利斯波係信吾主耶穌者。其閭家俱從之入教。可林多人。多信從之。而領聖洗焉。天主於夜夢間示保祿曰。爾勿懼。乃講勿默。我與爾偕。無能傷汝者。由此城人。為我選者多矣。於是保祿居此一年六閱月而施

訓焉。厄亞利阿省總統喀爾利約訥在位時。如達輩齊心怒攻保祿。而携伊到案曰。此人勸衆犯法而謂宜敬天主也。保祿聞言。方欲對答。喀爾利約訥語如達輩曰。爾如達輩。倘斯人果犯兇惡罪款。予自受爾訟。若爾輩之事。止於語言名字。且干係於爾輩之法。則聽爾輩自理可也。予不欲判焉。語畢。遂逐出其衙。衆乃擒古教會長索斯特訥於衙前撻之。喀爾利約訥置之不問。保祿猶多日居此。乃辭諸弟兄航海而

往西利亞。比利西拉與亞古拉皆隨之。保
祿因先設誓。故在生其利地方。而剪其髮。
比至以弗所城。而留亞古拉。比利西亞居
此焉。伊自入古教會殿。與之辯論。伊等懇
其久宿於此。伊不聽。臨別謂曰。如有天主
之意。再來視汝輩也。遂離以弗所而往舍
撒勒哈城。由彼上日露撒冷拜會會長與
諸友。即兼程前赴安第阿紀亞。居此數日。
歷遊噶拉仔亞與斐利西亞。以聖教象之
心焉。維時一人名亞波羅者。係亞勒山第

利亞人。善於言語。且通經文。來以弗所。伊
嘗習吾主耶穌之道。熱心講論耶穌之情。
稱其為救世者。惟知若翰之洗。毫無畏懼。
直於古教會殿宣講之。比利西拉與亞古
拉二人。聞伊此言。携之入室。而詳訓以吾
主耶穌之道。伊欲往亞皆亞。有友嘉其意
者。寄書於彼處之友。囑其照拂焉。比至其
地。於新入教者。殊有裨益。伊於衆前窮詰
古教之人。而以聖經明証耶穌為彌西亞
也。

第十九篇

方亞波羅之在可林多也。保羅歷遊上方。而來以弗所矣。途遇數友。問伊等曰。汝輩入教後。曾領聖神否。荅曰。我輩未聞所謂聖神者。伊又問曰。然則安在其為領洗也。荅曰。已領若翰之洗。保祿曰。若翰惟以悔罪自訟之洗施諸民耳。伊嘗於水洗前語。象曰。汝曹須信後我而來者。即謂耶穌也。象聞此言。遂因耶穌之名領洗矣。於是保祿置手於其頂。而聖神降臨。各言異方之語。

預告未來之事。其人約有十二。保祿因入會殿。三月直講聖道。以勸象人。乃如達輩仍有固執不信者。又於象前詛咒吾主耶穌之道焉。是以保祿去彼。而令馴順者離之。使一門弟每日於提郎諾學中辯論。如是者二年。所居亞西亞人。無論如達與異族者。皆得聞吾主耶穌之道。天主又賦保祿以多行非常靈跡之能。或發所用之巾帕帶囊等物。即能驅魔療病。禦患救災。神效異常。嘗有古教者數人。試看驅魔。乃呼

耶穌之名。謂魔曰。以保祿所講耶穌之名。令爾出去。如此行者。乃如達司祭之首舍瓦之七子也。魔乃答曰。我知耶穌。亦識保祿。汝何人斯。即有負魔者突入。執其二子。脚踢拳打。二子赤身被傷。僅能由屋而出。其居於以弗所之如達及異民。皆知此事。故無不畏懼者。吾主耶穌之名。因愈彰揚矣。教中多友。有告解已過而來者。甚至專務邪術之人。送其書籍。焚於象前。計其書價。約值銀錢五萬圓。福音大佈。益堅象心。

此事如是辦理畢。聖神默啟保祿之心。即定經由瑪西多尼亞。與亞皆亞。而往日路撒冷之意。其言曰。余至日路撒冷後。亦宜見羅瑪也。遂遣助伊之提默篤。以拉斯多二人往瑪西多尼亞。而自暫留於亞西亞焉。維時因聖道乃生大亂。有一銀匠名第米第利阿者。因造底亞納廟邪神銀像。諸匠大獲其利。伊聚集諸匠。並同習業者謂之曰。余友。汝輩皆知。我等獲利。皆出此工。今汝輩已有見聞。不但以弗所人。即亞西

亞徧地之男婦。皆聽其勸。而滅其敬心矣。其言曰。諸匠手所造者。殊非神也。然則象人不獨輕我業。底亞納廟。將歸於無有矣。夫以亞西亞。與普天率土所敬之底亞納。其光其威。亦將敗壞。殊可懼耳。諸匠聞之大怒。高聲呼叫。以弗所大底亞納。閭城皆亂。伊等趨入戲臺。乃擒曳瑪西多尼亞之喀約。亞利斯太古。之二人者。乃從保祿於途者也。保祿欲投入民叢中。教中人止之。亞西亞有數顯貴人。係保祿契友。亦使人

請其勿往戲臺。衆民喧呼。談論不一。而併
有不知其因何聚集者。如達人擁推亞勒
山德出人叢中。伊以手示衆令靜聽之。欲
於民前分辨是非。衆俱識其為古教人。齊
心喊呼以弗所大底亞納幾及二時。有書
史勸慰衆人曰。以弗所之民乎。孰人不知
城內誠敬者。即玉比特爾女神大底亞納
乎。衆言皆如是。汝輩宜安息。不可造次。此
二人已送至此。伊輩並未褻瀆汝神。亦未
詈罵。倘第米第利阿。與其同居之工匠等

有恨。我衙署內。有官會。亦有總統。不妨呈
訟。倘汝欲問別事。則公會可以斷結。今日
之會。未有能發一真情者。即欲令我輩擬
為逆叛正法。殊可懼也。言畢。乃遣眾人散
去。

第二十篇

亂既息。保祿乃邀教友勸慰之。遂辭往瑪
西多尼亞。經理其諸方。而以多言勸誨眾
人。即至尼利西亞。居三閱月。欲由海路而
往西利亞。繼而聞如達輩欲於半途設計

害之之信。乃由瑪西多尼亞旋歸。從之者
比利亞人。所巴德爾。與弟撒羅尼加二人。
亞利斯達古。西恭圖。且德爾比人。哀阿士。
及提默篤。及亞西亞二人。士其古。多羅斐
默。此輩皆先起程。而於多羅亞候我輩焉。
既逾無酵之餅瞻禮後。我輩離斐利比城。
五日航海而抵多羅亞。會晤伊等。七日居
此。撒帕多之次日。皆集而分領聖餅。保祿
於次日欲行。乃講道至夜半。我輩會殿。置
數燈焉。衆方傾聽。有一幼童名有第古。坐

於窓上。不覺熟睡。自高樓墜下。昏絕而死。衆不勝痛惜。保祿懷抱良久。呼耶穌聖號。令神魂復其身。幼童遂復活無恙。並無傷痕。衆益大服。我輩遂航海而往亞斯孫。如保祿之言。留伊於此。伊意乃欲徒行往焉。伊追會我輩於亞斯孫。我輩接之。同至米第利亞。於是。由水路前行。次日。迎至吉約。另日。既至撒默。於第三日。遂入米利多。保祿原擬遠避。以弗所。恐其逗留於亞西亞也。遂遄行。欲至日路撒冷。奉五旬之瞻禮。

乃自米利多遣人邀以弗所教會之老長者。伊等皆來。既晤。保祿謂之曰。余入亞西亞。自彼日起。如何向爾常行。汝輩明知之。蓋以諸謙讓。以多滴淚。凡如連輩施我諸禍。情願忍受。以事天主。如於汝輩有益之事。余無稍隱。或訓汝輩於顯處。或於家內。並諭示如連輩。令其去惡向主。而信吾主耶穌基利斯督也。今如囿於聖神。而徃日路撒冷矣。未知將何所遇焉。惟每過一城。

聖神示余。有鐵鍊。種種苦患俟我於日路。

撒冷。然而殊不懼也。且不以生命為貴。惟期善了吾生世之時。而盡吾主耶穌命我講道之責。而傳天主各種寵佑之福音。斯亦足矣。今余惟知所經各處講論天國之道耳。諸處之人。嗣後不復得見余面矣。今將明告汝輩。爾等有自失其靈魂者。非我之故。余不辭訓汝輩。而轉以天主之意旨。盡明宣於汝輩矣。夫以天主耶穌血價所得。為管教會。聖神既立汝輩為之長。爾輩慎之。汝輩並汝所屬者。皆善守之。我知余

去後。將有善奪之豺狼。入爾牧羣。以傷其羊。即爾輩中亦將有左道亂言。以多集徒從己者。汝須審之。余嘗三年。晝夜不息。常流痛淚。以勸衆人。尚慎念之。今余置汝輩於天主之手。願其恩寵。伊自能成爾輩所建大工。並以爾業與諸聖同其賞賜也。余未嘗愛他人之金銀衣服。汝輩皆知。余身及與我同處之人。凡有缺欠。余皆自做手工。以補其缺。總之。宜恕信劣之人。復記吾主耶穌之言。主嘗曰。與者。較受者。尤為有

福也。保祿言畢。長跪與衆祈禱。衆乃慟哭。抱保祿之項而親其口。以其有汝輩嗣後不復得見余面之言。哀痛甚切。送之登舟。

第二十一篇

既別伊等。由水路直抵可阿士。次日至羅托。自此復至巴達拉。遇徃斐尼亞西亞之船。遂登之開岸前行。俄見賽比羅島。乃由島左。取路西利亞。而至提羅登岸。遇教中諸友。同居七日。彼以聖神之恩。而知保祿於日路撒冷遇諸患難。皆勸其勿徃焉。已

滿七日。相別而行。彼携其妻孥送至城外。到岸同跪祈禱。別後我等登舟。伊等俱歸其家。由水路前進。由提羅而來多利瑪。問候弟兄同居一日。次日登程。而抵舍撒勒哈。傳道遂入斐理伯之家而居焉。斐理伯者。即七輔之一也。有女四人。皆守貞而能預知。我輩數日居此。有一先知名亞厄布自如德亞來。伊見我輩。取保祿之帶。自縛其手足曰。聖神之旨。此帶之主。如達人將如此縛於日路撒冷。付與異民之手。我輩

及此等諸人。皆求其勿上日路撒冷。保祿
答曰。汝輩何為慟哭。而苦我心。我為吾主
耶穌之名。不惟情願被縛。且願捨生於日
路撒冷焉。我輩見不能勸。即止曰。惟主旨
致成矣。過數日後。預備行李上日路撒冷
之事。數友自舍撒勒哈隨我輩同來。而携
什比羅一老友名瑪納孫者同來。而居其
室。既入日路撒冷。諸友欣然接待。次日與
我輩往見雅各伯。而辦理教務諸老集焉。
保祿作禮後。細述天主以己所行於異民

之諸事。伊等既聞。讚頌天主。復謂保祿曰。弟爾見如達人。有進教數千人。此猶僻於法令。而不忍棄。伊等已聞爾如達人在異民中者。棄絕每色。勿割損其子。勿循舊規。奈何。伊等聞爾已至。將必咸集。然則爾依我言。我有四人。曾設誓者。爾携之。共潔其身。並代其付給薙髮之銀。如此。則皆知所聞之言。為假。復以爾為守法也。且已入教之異民。為爾此事。毫無疑惑。我輩已遺書。命其勿食供獻邪像之食物。勿奸淫娼妓。

女子。戒其搯死牲禽。不令出血也。語未畢。保祿携彼四人潔身。次日偕彼入殿。告以伊等滿潔之期。至代各人獻禮。七日將滿。自亞西亞來之。如達輩見保祿在殿。唆使衆民作亂。擒拿保祿。復高聲曰。依辣厄爾族人。咸來助我。此人到處傳教。排斥吾教。吾民。且引異民入殿。褻瀆聖所。蓋此輩見以弗所之多羅斐。默與保祿在城偕行。即妄憶保祿引之入殿矣。闔城紛然亂聚。擒拿保祿。曳之出殿。甫出。即闔門矣。民衆欲

殺保祿。時有人報總兵曰。日路撒冷。闔城
紛亂。即帶兵弁趨往。伊等見總兵來。止捷
保祿。總兵乃進前擒保祿。交付兵丁。令以
二鐵鍊繫之。復問曰。此為何人。所行若何。
衆喧呼不一。如是紛紜。不得確情。命送往
本營。比至層塔。擁集衆人。恐害保祿。兵乃
不得已而舉之。民衆跟隨。呼欲致死。保祿
入營。謂總兵曰。予有數語。可得言乎。曰。爾
能克勒西亞之言乎。爾豈非彼厄日多人。
於數日前作亂。領四千死士而往曠野士

者乎。保祿答曰。我係如達人。生於西利西亞之名城塔爾索。可謂羅馬之人。請許我講於衆民之前。既許其言。保祿乃立於層階。以手示衆。民乃靜聽之。

第二十二篇

保祿乃以希伯爾之音語衆曰。諸父諸兄。請聽余欲告汝之情。衆見其以希伯爾之音出言。益側耳留意而聽。保祿曰。我固是如達人。生於西利西亞之塔爾索。長養於斯城厄瑪利亞足下。誠習吾祖教令。如汝

輩今日勤光法令焉。余於斯教之人。至死
擾害。拘其男女。監禁。其事教首與諸老長
者。皆能為我之証。余嘗領其公文。而往大
麻斯各府捉縛新教之人。解送日路撒冷
懲治。行近大麻斯各城。時當正午。自天照
耀大光。環圍我身。我仆於地。聞聲謂我曰。
掃祿。掃祿。何為欲圖我。余荅曰。爾為誰。曰。
我係爾捕害納匝肋之耶穌。隨我之人。雖
見耀光。而不聞與我言耶穌之聲也。余曰。
主。余所宜行者何。主荅我曰。爾起往大麻

斯各。在彼有與爾講宜行之諸情。因其明
光。目不能視。同伴輩携手引入大麻斯各。
有一人名亞納尼亞。誠心守法。故彼處之
如達人。無不讚美者。伊來顧我。立余前曰。
吾弟掃祿。汝目視之。余即時見伊。伊復曰。
吾列祖之天主。預簡爾識厥旨。見義者聽
厥口之聲。爾將於億萬民前。以証其所見
所聞之情。且今何緩乎。速起領洗。呼吾主
耶穌之名。滌除已罪。余回日路撒冷。一日
在殿誦經。忽失意。靈目見竒像。命我曰。爾

速出日路撒冷。蓋伊等將不受爾証我之言。余曰。主。伊等皆知我素日囚禁信從爾者。或鞭撻於各會堂。即爾証蘇特法諾之血被流時。余嘗侍從。而守殺伊者之衣。此事未嘗忘記也。主曰。汝其往哉。吾將遠遣爾於異民矣。衆聞其言至此。忽高聲喊叫。謂此人不可留於世。宜除之。乃一面喧呼。一面擲衣起塵向空。其將官引保祿入營內。即加鞭馱。欲使衆知何故如此喊怒。既而又以皮帶繫之。保祿^謂近己之百態曰。爾

輩於未經審結之羅瑪藉人。可施鞭撻乎。百總聞此言。即詣將官稟曰。爾所行何事哉。斯人乃羅瑪藉也。將官即進保祿而問曰。爾實羅瑪之人乎。答曰。是。將官曰。余以多銀而得羅瑪人之稱頌。保祿答曰。我以羅瑪人。乃得生矣。即將行刑者立退之。將官既知保祿為羅瑪藉。甚懼。以嘗縲繫之也。次日。欲示知保祿何故被如達人控告。乃釋之。公同集教首與諸老長者。乃送保祿立於其中。

第二十三篇

保祿面視會集教首。及諸老長者曰。諸兄。余從來以良心常行於天主之前。至今日焉。語未畢。司祭之首亞納尼亞命近侍者批其頰。保祿乃謂伊曰。泥墁之墻。天主將自懲爾。請爾坐此。依法判我。而乃違法命批我頰。近侍者曰。爾何詛咒司祭之首乎。保祿答曰。諸兄。我不識其為司祭之首也。蓋聖經戒人勿許詛咒宗族之主也。保祿既覺會集人內。有一分撒圖首。一分法利

叟。乃於會集之處高聲呼曰。我諸弟兄。我
是法利叟。及法利叟之子。我因望死後復
活之恩。爾輩今嚴判我。此語一出。法利叟
與撒圖首二學之人。即不相睦。而衆意乖
離。蓋撒圖首左道之論。嘗謂人死不能復
活。並無天神。亦無靈魂。而法利叟則謂二
者實有而教人也。於是大起爭端矣。乃有
為法利叟之學者數人。起而爭曰。我意此
人。一無非是。或神。或別天神。以此告彼者
耶。夫孰能知之。於是亂益大作。將官乃懼。

恐伊等磔殺保祿也。乃令兵強舉保祿出其中。送於伊營。次夜。吾主耶穌顯見於保祿曰。毅然行之。爾在日路撒冷如何証我。亦宜証我於羅馬焉。天既明。有如連數人相集。發誓曰。我輩到殺保祿。俱不飲食。如此相約者。四十餘人。伊等復往視司祭者。及老長者曰。殺保祿以前。發誓不嘗些微之物。今汝輩代會議之人送此信於將官。欲詳知保祿之事。尚有訊伊之言。令將保祿送我輩前。我輩擬於未至即殺之。保祿

之甥聞其計。乃入營報保祿。保祿請一武
弁謂之曰。祈爾引此少年往見將官。蓋彼
將有所欲言也。武弁乃引少年詣將官曰。
監禁之保祿懇我送此少年於將官前。謂
伊有欲告之言。將官乃携其手往僻靜處
問曰。欲告我者何。少年曰。如達輩約定。求
爾明日送保祿於會議官前。佯為詳辨是
非。然爾勿信其言也。其中有欲殺保祿者
四十餘人。伊等發誓至殺保祿。並不飲食。
今已准脩。惟候爾言將快心焉。將官乃釋

少年戒其勿洩所告之言。遂召二武弁曰。汝輩夜半宜脩前往舍撒勒哈之步兵二百名。騎兵七十名。鎗丁二百名。令保祿乘馬。受送斐利舍前。又恐如達人劫奪保祿殺後。伊被受賄惡名。乃寄札云。伏候喀爾庫第約利西亞福安。如達輩擒獲此人將殺之。我知其為羅人也。乃帶兵突入羣衆救出。因彼如此見惡。余欲明其罪。乃送於伊等議會人前。比及詳察。衆人所告之語。惟闕伊等教法耳。殊無可死可囚之罪也。

頃聞伊仇設計欲戕其生。余乃送於臺前。並示控告諸人。倘彼必欲明晰其事。即於臺前詳察可也。謹此候安云云。衆兵依命。引保祿前往安第巴第利德城進發焉。次日遣騎兵回營。而自至舍撒勒哈城。呈其札於總統大臣前。且見保祿焉。總統大臣閱其札。乃問係何省人。荅曰。是西利西亞人。曰。俟爾敵來。余再聽爾。遂命兵守於厄羅德之宮。

第二十四篇

五日後。司祭之首亞納尼亞。與數老長者。携名第爾圖羅者。以告保祿之意。來稟總統大臣。保祿既至象前。第爾圖羅乃詆曰。至善大臣斐理舍。緣爾躬我輩得享太平。誠以爾之智謀。改革諸端惡法逆政。今感厚恩。殊深拜謝。惟欲爾不久居此。伏惟求爾體爾大度。稍納微言。遇此殘賊之人。伊為納匝助逆黨之首。唆亂天下如達輩。伊嘗欲污吾殿。我輩擒伊。欲依吾法審懲之。乃將官利西亞忽來。強奪伊於吾手。並告

如有訟伊者。請往爾臺前呈訟。爾已訊此
罪犯。可以易知我輩控詞甚確矣。第爾圖
羅言畢。如達輩咸謂所言甚是。而事誠如
此也。總統大臣命保祿言。保祿曰。聞汝數
年為此省之總統。自願於爾臺下申明吾
冤。爾能易知十二日前。我來日路撒冷瞻
拜。伊等並未見我在殿。或在會堂。或於街
市。與人相爭。而為小人之黨。共相附合也。
伊等控詞。不能証以實証。今確語爾。余原
屬新教之人。伊輩誤以此教為左道。惟余

信從此教。以奉事吾列祖之天主。並信律
典所載。與先知之士所錄各端。余尚如伊
等望天主所許諸善惡人肉身死後復活。
是以余嘗以潔心事主。恐玷人前。常加小
心隄防。迨至多年。我以周濟族中貧人。祈
禱天主。敬獻供奉之意而來。余方潔身在
殿祭禱。並無夥黨。亦未作亂。乃有自亞西
亞來之。如達人數輩。喧呼而擒我。倘余實
有非是。則此輩當訟我於爾臺前。乃其間
未來一人。今試令訟我者言之。余在厥議

會中。究以何罪擬於我躬。維時余曾高聲呼曰。因信死者復活。汝輩乃審責我。蓋以此言。為我罪耳。斐利舍明知新教之真。不決其案。委之異日。謂眾曰。將官利西亞來。乃聽爾等也。遂命武弁看守。不准苦擾。如有欲看顧者。毋許禁阻。數日後。斐利舍與其妻圖路西拉同來。喚取保祿。而聽講信耶。蘇基利斯督之道焉。蓋圖路西拉。係如達人之女也。保祿方講施捨。棄絕邪淫。及世將終。嚴判天下萬民之罪。斐利舍驚懼

曰。止止。汝去。暇時。再請汝可也。其意欲索
保祿之賄。故屢喚而與之言耳。二年期滿。
斐利舍罷官。波爾叟斐斯多繼其任。而斐
利舍欲快如達人心。乃禁保祿於囹圄焉。

第二十五篇

斐斯多到省三日後。由舍撒勒哈。上日路
撒冷。司祭諸首。與如達衆老長者。就見總
統大臣。攻訖保祿。懇其解送日路撒冷。其
意蓋欲於途中潛謀殺之也。斐斯多答曰。
保祿現在舍撒勒哈囹圄中。余行將啟程。

爾輩有尊顯者偕余來。伊有何罪。請即訟之。伊乃約住彼地八日或十日。遂往舍撒勒哈。次日陞座。乃召保祿。保祿既至。由日路撒冷來之。如德亞人環立。訟以罪之重者數端。而迄無確証。保祿轉明辨曰。我毫無獲罪於如達之法。日路撒冷之殿。及羅馬國王舍撒勒也。詎斐斯多欲施恩於如達輩。謂保祿曰。爾願上日路撒冷。令我於彼理爾此事乎。保祿荅曰。現在舍撒勒衙內。余事宜於此審理。蓋余毫無害於如達

人。爾所確知也。倘余有所害於彼。或犯死罪。即使我死。我無辭焉。倘彼所訟。皆屬誣罔。焉能付我於彼手。請將余此事駁回。舍撒勒。斐斯多聽議會諸臣之言。乃曰。爾既欲將此事駁回。舍撒勒。蓋將往朝舍撒勒耳。閱數日。王亞基理巴。偕其妹伯勒尼舍。來舍撒勒。哈。而拜斐斯多。日與同處。斐斯多指保祿告王曰。此人係斐利舍所囚禁者。余在日路撒冷時。司祭之首。與如達老長者。皆懇余擬以死罪。余答以此非羅瑪

法也。必使被告與原告。互相質對。聲明自
已冤情。乃得擬罪。且伊等咸集。余於次日
陞座。命此人入。諸原告者對立。而言其非。
我於諸端中。欲擬一罪而不可得。惟因伊
等教法。與彼攻詆耳。復言一死者耶穌。保
祿乃謂其復活也。此事將何以擬決耶。心
內躊躇。問保祿曰。爾欲徃日路撒冷。以結
爾案乎。因保祿欲駁其事於舍撒勒。余於
未遣。禁之獄中。亞基利巴謂謂斐斯多曰。
余素欲聞斯人之言也。荅曰。明日自聞之。

次日。亞基利巴與伯勒尼舍煊赫而來。逕入大殿。諸將官及城中首領人等。咸列兩旁。斐斯多命衙役。伊等即送保祿來衙。斐斯多曰。王亞基利巴。及在此諸人。汝輩試視此人。如達輩。在日路撒冷晤我。懇令置之死地。不可使其久活。我則見其實無應死之罪也。因伊欲決其案於舍撒勒。即擬遣伊於舍撒勒可也。惟以其人而論。余實不能簡明奏主。是故特見於王亞基利巴。及汝輩象人前。請汝輩詳訊之。庶余可有

所奏也。余意解送囚人。而不詳告其故。豈理也哉。

第二十六篇

亞基利巴謂保祿曰。欲保汝命。任爾直言。保祿乃伸手自鳴其冤曰。王亞基利巴。余今日在爾前。能明如連人謊言。及余實行。誠為慶幸。蓋爾亦明知如連人之教規。為此懇祈寬恕聽我。余自幼在日路撒冷民間之行跡。如連輩皆知之。倘伊等能以實言。余幼時嘗從法利叟真正教規。今因盼

望天主所許吾祖之故。乃被審如囚。王亞
基利巴。吾十二支。晝夜事奉天主。而望所
許之言。驗諸實事也。因余謂天主所許之
言。實驗於事矣。故為如達人所訟。天主命
死者復活。豈為不可信之事乎。余初深惡
納匝肋耶穌之名。而思當極擾其教人。已
嘗攻於日路撒冷。而多擒囚其聖者。諸司
祭首曾付其權於我。凡有擬死罪者。余以
劄文付於行刑之人。且在會堂屢次懲其
教人。而強其詛咒耶穌之名。甚至如風狂

之形。追捕伊等於外國而摧挫之。一日余承司祭之權。前往大麻斯各府。王亞基斯巴。時當正午。於途忽見異光自天而降。比光較日光尤明。周圍我身。及從我者。於是我等皆仆於地。我乃聽有西伯爾音曰。掃祿。掃祿。何為害我。爾難踢刺。余問曰。主。爾為誰。天主答曰。我為爾所欲害者耶穌。爾起立。我特顯現於爾目前。已見爾。後將以爾為顯現諸端之証。余將脫爾於族人之手。凡有族人害爾者。恒加保佑救護爾。爾

其棄絕族象異端昏偽。而瞻仰聖道明光。敗撒殫之權。而甘心信從天主。咸以信我。而獲罪惡之赦。及聖賢之福。爾講道而啟其明悟之目云云。王亞基利巴。余睹此像。不敢違悖天主之旨。乃先入大麻斯各府。後徃日路撒冷。與如德亞各處。勸告異民。並令其改悔過失。歸向天主。速立善功。補贖罪惡。是以如德亞人。擒我於殿內。且欲殺之。惟蒙天主保佑之恩。生活到今。余無論於貴賤人前。稱講耶穌。惟講先知與每

色所講之言而已。並無他語。即基利蘇宜受難。而自死者中復活。宣光依辣厄爾後裔。及異端宗族也。保祿正爾明辨之間。斐斯多大聲曰。保祿。爾乃嚙語。因所學過甚。竟致腦昏。保祿答曰。善哉斐斯多。余非嚙語也。所言皆屬真確簡明之言。王亞基利巴。自能知之。余以為王深知此情。是以余於王前慷慨言之。初此多情。皆顯然行之者。非在僻地而行也。王亞基利巴。爾信先知之言乎。我已明知爾信也。亞基利巴謂

保祿曰。爾此言幾欲勸我入耶穌之教矣。
保祿答曰。固所願也。尚求天主。不但王之
一身。凡在此所聞者。皆願同我。惟此桎梏
不欲被於伊等耳。語未畢。王遂起。總統大
臣。伯勒尼舍並同坐者皆起。離席互論曰。
斯人果無應死應囚之罪也。亞基利巴謂
斐斯多曰。此人若未請駁回舍撒勒。可釋
之。任聽其去。

第二十七篇

既擬以保祿航海赴意大利亞。及偕餘犯

數人。俱付於阿古斯達之將官名玉利阿者。於是同登亞達米依翁之船。遂拔鐵錨沿亞西亞岸而行。馬舍多尼亞之第撒羅尼加人。皆從我輩焉。次日。抵西頓。玉利阿善視保祿。聽其往見諸友。自理其事。自彼開船沿什比路島而行。因風逆也。遂遇西利亞。巴木斐利亞海。至利西亞之理斯他拉城。武弁在彼遇亞勒山低亞之船。往意大利亞。遂移我輩乘之。數日緩行。僅至吉尼多地之對面。復因風逆。即沿韋利德島

而行。努力撐船前進。僅抵伯尼玻爾多地。是為可泊之所也。於是需時既多。行途甚危。而久逾齋期矣。保祿乃慰伊等曰。諸友。余視行此水路。豈為此船及所載之貨。實為我輩之命也。詎將官惟信船主及舵工之言。不納保祿此論。且因彼處無以停泊。過冬。遂有數人欲離此前往斐尼斯。即韋利德之幽僻處所。於彼過冬焉。此幽僻之處。係向西北。以為南風一起。必可成事。即投鐵錨沿韋利德之岸而行。俄而東北狂

風大作。舟為風摧。人力不支。即隨風飄蕩。吹至一島。名草老達。而於此僅得小舸。象水手及我輩偕助。恐遇礁石致壞。因以縛其舸。偃桅解帆。任其飄流。風濤克猛。震盪我輩。次日。將貨物俱拋於海。第三日。水手等自將船中器皿拋棄。數日不睹日星。風勢竟不稍減。我輩絕無救命之望矣。先是象久不食。保祿憫之。立其中曰。諸友。倘汝輩在草利德。依余言而不開船。今亦不致如是自苦。而失多物也。今猶勸汝輩。尚其

安心。汝輩中保無一喪命者。惟船損壞耳。
余乃天主之人。因奉事伊。伊之一神於此
夜顯示於余前。曰。保祿勿懼。爾宜見於舍
撒勒。今天主賜爾與汝偕行水路之人。全
其生命。然則汝輩請放寬心。信望天主。所
告余言。必驗於事。而我輩之船。自必到一
海島也。第十四夜既到。方由亞依利亞海
中行。至夜半。水手等疑見地面。以鉛繫於
繩。而測水之淺深。乃知水之深處有十丈
焉。復前進。深處亦及七丈五寸焉。於是衆

皆恐懼。防遇礁石。自船尾拋四鐵錨於海中。俟至天明。水手欲逃。藉拔鐵錨之故。而下小舸於海。保祿會其意。謂武弁及衆兵曰。如不留水手於船。則不能保汝等之命矣。兵遂砍斷舸繩。而棄舸於海。天將明。保祿勸衆進食。曰。至今十四日。汝等未食。欲得救已。祈即進餐。蓋汝輩曾一髮之未落也。言畢。取餅於衆前祈禱天主。擘而食之。於是衆各欣然飽食。時在船者。共二百七十六人。食後。拋麥於海。為使船輕也。天既

明。不識其地。見海隅。力挽其船。欲於近岸
泊之。乃拔其錨。解其纜。順流以行。復張船
尾小帆。隨風望岸而進。既而遇一小渚。力
擁其船。船頭阻沙。毫不能動。而船尾遂為
大浪激裂矣。衆兵恐諸囚浮水而逃。欲殺
之。武弁欲存保祿之命。乃禁止之。命能浮
水者。先涉水登岸。其餘諸人或移於板。及
裂船。與器械之上。於是衆人皆獲登岸。

第二十八篇

既免死難。方知其島名密理達。土人待我

輩甚善。維時既雨且冷。乃壘木燃火禦寒。復饋食焉。保祿拾葡萄枝擲火中。忽出毒蛇。傷及保祿之手。土人見蛇在其手。相謂曰。此人必嗜殺人者也。雖免海患。天主之義怒公報。不復容留於世。保祿投蛇於火。而毫未受傷。衆意以為保祿必係徧腫。立時倒地殞命。俟之良久。見其渾身無恙。乃轉念稱之為神。島中有一富貴人。名布彼畧者。廣有田廬。邀我等至其家。厚款三日。會布彼畧之父。患瘧痢久卧。保祿往顧。祈

求天主。手着其頂。立即痊愈。於是島內凡
有病者。聞名踵叩。莫蒙其拯救。土人殊加
敬禮。且於船載以途中應需之物焉。三月
後。登西勒山。依亞之船。由水路前進。此船
之人。居此島過冬。船帆所畫者。係加斯多
勒像。既抵西拉古撒。於此歇三日焉。自彼
沿岸而行。至勒士翁。一日後。南風忽起。第
三日至布依阿利。適逢教中諸友。延我輩
住其家七日。後由陸路前往羅馬。諸友聞
信。來迎我輩至亞比依之市。及三館之地。

我輩遂入羅瑪。保祿欲居何處。皆由其便。惟一兵守之。閱三日。請如達諸宗會集。曰。諸兄。我未嘗害民。犯吾列祖之規。然而究被縛於日路撒冷。付於羅瑪官弁之手。象官訊問。竟無死罪。而欲釋放。乃如達人執為不可。余不得已而請駁回舍撒勒。所以然者。非為控我族人。誠欲見爾輩而相與語也。故請象人前來。以為依辣厄爾之望。余乃遭此桎梏耳。象答曰。我輩提言爾之書信。未嘗受於如達。而所來弟輩。亦未言

爾有何惡端。今請明語。爾意於我等。蓋此
教之非。處處多言之者。我輩已知之矣。語
未竟。復定相見之期。果有數人。群集其寓
所。保祿自朝至夕。講論於伊等之前。以每
色之法。及先知之言。而明証新教。即天國
之路。古聖所望而俟之救世者。即耶穌也。
因有信保祿之言者。亦有不信其言者。伊
等意見不合。遂各散去。保祿乃謂之曰。聖
神與先知依撒意亞語。吾列祖者。其言甚
切。聖神嘗命依撒意亞曰。爾往語此民。汝

輩耳雖聞焉而不解。目雖見焉而不辨。此
民之心惑矣哉。厥耳如聾。自緊閉目。倘厥
目見。厥耳聞。厥心悟。伊等將自悔訟。而受
余醫痊伊等之疾矣。然則皆知天主救爾
之意。賜汝之恩。惟施於異族之民耳。伊等
皆謂信從此言。乃如連輩彼此喧嚷。爭論
是非。旋即退出保祿寓所。保祿二年於此
租房而居。凡有求見者。皆延入慨然宣講
天國福音。及闢吾主耶穌基利斯督諸端
道理。並無禁阻之者。

爾有何惡端。今請明語爾意於我等。蓋此
教之非。處處多言之者。我輩已知之矣。語
未竟。復定相見之期。果有數人。群集其寓
所。保祿自朝至夕。講論於伊等之前。以每
色之法。及先知之言。而明証新教。即天國
之路。古聖所望而俟之救世者。即耶穌也。
因有信保祿之言者。亦有不信其言者。伊
等意見不合。遂各散去。保祿乃謂之曰。聖
神與先知依撒意亞語吾列祖者。其言甚
切。聖神嘗命依撒意亞曰。爾往語此民。汝

輩耳雖聞焉而不解。目雖見焉而不辨。此
民之心惑矣哉。厥耳如聾。自緊閉目。倘厥
目見。厥耳聞。厥心悟。伊等將自悔訟。而受
余醫痊伊等之疾矣。然則皆知天主救爾
之意。賜汝之恩。惟施於異族之民耳。伊等
皆謂信從此言。乃如連輩彼此喧嚷。爭論
是非。旋即退出保祿寓所。保祿二年於此
租房而居。凡有求見者。皆延入。慨然宣講
天國福音。及闢吾主耶穌基利斯督諸端
道理。並無禁阻之者。